

Na osnovu članova 87. i 90. Zakona o javnim nabavkama BiH („Službeni glasnik BiH“ broj 39/14.), člana 7. Pravilnika o postupku direktnog sporazuma („Službeni glasnik BiH“, broj: 90/14), te u skladu sa Odlukom Građevinskog fakulteta Univerziteta u Sarajevu o direktnom sporazumu za pružanje usluga **popravaka i održavanja instalacija u zgradama - sanaciju gromobranske instalacije na krovu zgrade IMK-a broj04-1-53-54-5/20** od 23.09.2020. godine,

**Građevinski fakultet Univerziteta u Sarajevu**, ul. Patriotske lige broj 30, Sarajevo, PDV broj: 200287770000, kojeg zastupa dekan prof. dr. Samir Dolarević, dipl. ing. građ. (u daljem tekstu: **Naručilac usluga**) i

**“HMI-INŽENJERING” d.o.o. Sarajevo, Ismeta Alajbegovića Šerbe 12a**, PDV broj: 200178640007, kojeg zastupa direktor Goran Dizdar, dipl.inž.arh. (u daljem tekstu: **Izvršilac usluga**) zaključuju

## UGOVOR

### o pružanju usluga popravaka i održavanja instalacija u zgradama - sanaciju gromobranske instalacije na krovu zgrade IMK-a

#### Član 1.

Predmet ovog Ugovora je nabavka usluga: „Usluge popravaka i održavanja instalacija u zgradama”\_faza treća\_ sanaciju gromobranske instalacije na krovu zgrade IMK-a, Stjepana Tomića 5, a zaključuje se nakon provedenog postupka direktnog sporazuma broj 04-1-53-54/20.

#### Član 2.

Usluge iz člana 1. ovog Ugovora će se izvršiti prema specifikaciji iz prihvaćene ponuda Izvršioca usluga broj 102-09/2020 od 22.09.2020.godine, evidentirana kod ugovornog organa pod brojem: 04-1-53-54-3/20 od 22.09.2020. godine je sastavni dio ovog ugovora Član 3.

Ukupna cijena za predmetne usluge iznosi 1.600,00 KM bez PDV (hiljadušeststotina 00/100 KM), odnosno 1.827,00 KM (hiljaduosamstotinadvadesetsedam i 00/100 KM) sa PDV-om i utvrđena je na bazi ponudbene specifikacije.

#### Član 4.

Ugovorne strane saglasne su da će se plaćanja izvršiti nakon izvršene usluge, a prema potpisanom nalogu od strane ovlaštene osobe Građevinskog fakulteta, ispostavljanjem fakture od strane Izvršioca usluge. Jednične cijene su fiksne.

Naručilac se obavezuje platiti fakture u roku od 30 dana po prijemu istih.

#### Član 5.

Izvršilac se obavezuje da će usluge navedene u članu 2. ovog Ugovora obavljati savjesno, stručno i kvalitetno us u sa zahtjevima Naručioca usluga, odredbama ovog Ugovora, te zakonskim propisima i pravilima struke.

U slučaju neadekvatnog obavljanja ugovorenih usluga od strane osoblja Izvršioca usluga, Naručilac usluga ima pravo zatražiti drugu osobu na tim poslovima, a Izvršilac usluge se obavezuje tom zahtjevu odmah udovoljiti.

#### Član 6.

Izvršilac usluge započinje s pružanjem ugovorenih usluga odmah po potpisu ovog Ugovora, a završiti u roku od 15 dana. Datum potpisivanja ugovora je datum početka pružanja usluge.

Izvršilac usluge se obavezuje obavljati ugovorene usluge u dogovorenim terminima.

#### Član 7.

Izvršilac usluga je obavezan za svaku izvršenu uslugu voditi dokumentaciju, radni nalog i/ili zapisnik, koji po izvršenju usluge mora biti obostrano potpisan.

#### Član 8.

Ugovorne strane mogu sporazumno raskinuti ovaj ugovor, a svaka ugovorna strana može jednostrano otkazati ovaj ugovor uz otkazni rok od 30 dana od dana primitka otkaza.

Otkaz se daje u pisanom obliku i predaje se drugoj ugovornoj strani neposredno uz potpis ili poštom preporučeno.

U slučaju jednostranog raskida, Izvršilac usluga ima pravo naplatiti obavljene usluge pregleda do dana isteka otkaznog roka.

#### Član 9.

Ugovorne strane su saglasne da će eventualne sporove u pogledu primjene odredaba ovog Ugovora riješiti sporazumno, a ukoliko to ne bude moguće, nadležan je Općinski sud u Sarajevu.

#### Član 10.

Ovaj ugovor je sačinjen u četiri (4) istovjetna primjeraka, od kojih svaka ugovorna strana zadržava po dva (2) primjerka ugovora.

#### Član 11.

Ugovorne strane svojim potpisom potvrđuju daje u odredbama ovog ugovora sadržana njihova stvarna volja, te u znak prihvatanja prava i obaveza koja iz ugovora proizlaze isti potpisuju.

Na sve što nije regulisano ovim Ugovorom primjenjuje se Zakon o obligacionim odnosima.

NARUČILAC USLUGA  
Građevinski fakultet Univerziteta u Sarajevu  
DEKAN  
Prof.dr.Samir Dolarević, dipl.ing.građ.



Broj: 04-1-53-54-6/20  
Sarajevo, 23.09.2020

IZVRŠILAC USLUGA  
HMI INŽENJERING, d.o.o. Sarajevo



DIREKTOR  
Goran Dizdarević, dipl.ing.arh.

Broj: 38-09/20  
Sarajevo, 23.09.2020.godine